

Bekas PM Korea Selatan dipenjara kerana dana politik haram
The Malaysian Insider
August 20, 2015

Bekas perdana menteri wanita pertama Korea Selatan dipenjarakan selepas Mahkamah Agung mengekalkan sabitan 2 tahun hukuman penjara kerana menerima dana politik haram, lapor AFP.

Han Myeong Sook, 71, berkhidmat selama setahun sebagai perdana menteri Korea Selatan dari April 2006 hingga 2007.

Pada 2010, Han dibicarakan atas tuduhan menerima 880 million won (RM3.1 juta) daripada seorang ahli perniagaan bagi membiayai kempen politik bagi mendapatkan pencalonan presiden.

Myeong Sook sebelum itu dibebaskan mahkamah daerah selepas mendapati keterangan ahli perniagaan itu tidak boleh dipercayai.

Namun, pada 2013, Mahkamah Tinggi menjatuhkan hukuman penjara 2 tahun.

Menurut AFP, hukuman tersebut menyebabkan Han secara automatik kehilangan kerusi di dalam Dewan Negara.

Beliau merupakan wanita pertama yang memegang jawatan perdana menteri di Korea Selatan, dan kini menjadi bekas perdana menteri yang pertama dipenjarakan.

Menurut agensi berita antarabangsa itu, Han menafikan menerima wang haram tersebut dan menuduh kerajaan menggunakan pendakwa raya negeri untuk mencemarkan reputasinya.

"Saya tidak boleh menerima hakikat itu dan menjadi mangsa 'penindasan politik,' katanya seperti dilaporkan agensi tersebut. – 20 Ogos, 2015.

Copyright © 2015 Edge Insider Sdn Bhd

Source:

<http://www.themalaysianinsider.com/bahasa/article/bekas-pm-korea-selatan-dipenjara-kerana-dana-politik-haram>